

文心雕龍

龍 雕 心 文

標點者 侯毓珩

下 冊

1 9 3 1

上海大東書局印行

文心雕龍

梁劉勰撰清黃叔琳注

封禪第二十一

夫正位北辰，嚮明南面，所以運天樞，毓黎獻者，何嘗不經道緯德以勒皇蹟者哉！綠圖曰：「潭潭囑囑，焚焚雉雉，萬物盡化。」言至德所被也。丹書曰：「義勝欲則從，欲勝義則凶。」戒慎之至也。則戒慎以崇其德，至德以凝其化，七十有二君所以封禪矣。昔黃帝神靈，克膺鴻瑞，勒功喬岳，鑄鼎荆山。大舜巡岳，顯乎虞典。成康封禪，聞之樂緯。及齊桓之霸，爰窺王跡。夷吾譎陳，（當作諫）距以怪物，固知玉牒金鏤，專在帝皇也。然則西鸛東鰈，南茅北黍，空談非徵，勳德而已。是史遷八書明述封禪者，固禋祀之殊禮，名號之祕祝，祀天之壯觀矣。

秦皇銘岱，文自李斯。法家辭氣，體乏弘潤，然疎而能壯，亦彼時之絕采也。鋪

觀兩漢隆盛；孝武禪號於肅然，光武巡封於梁父，誦德銘勳，乃鴻筆耳。觀相如封禪，蔚爲唱首，爾其表權輿，序皇王，炳元符，鏡鴻業，驅前古於當今之下，騰休明於列聖之上，歌之以禎瑞，讚之以介邱，絕筆茲文，固維新之作也。及光武勒碑，則文自張純，首胤典謨，末同祝辭，引鈎識，敘離亂，計武功，述文德，事覈理舉，華不足而實有餘矣。凡此二家，並岱宗實跡也。

及揚雄劇秦，班固典引，事非鐫石，而體因紀禪。觀劇秦爲文，影寫長卿，詭言遜辭，故兼包神怪；然骨掣靡密，辭貫圓通，自稱極思，無遺力矣。典引所敘，雅有懿乎！歷鑒前作，能執厥中，其致義會文，斐然餘巧，故稱封禪麗而不典，劇秦典而不實，豈非追觀易爲明，循勢易爲力歟！至於邯鄲受命，攀轡前聲，風末力寡，輯韻成頌，雖文理順序，而不能奮飛。陳思魏德，假論客主，問答迂緩，且已千言，勞深勩寡，飆燄缺焉。茲文爲用，蓋一代之典章也。搆位之始，宜明大體，樹骨於訓典之區，選言於宏富之路，使意古而不晦於深，文今而不墜於淺，義吐光芒，

不能如此自無格
不美豈惟封禪
文固可不作也

辭成廉錫，則爲偉矣。雖復道極數殫，終然相襲，而日新其采者，必超前轍焉。贊曰：封勒帝勳，對越天休。逖聽高岳，聲英克彪。樹石九旻，泥金八幽。鴻律蟠采，如龍如虬。

【註】

①〔嚮明〕（易說卦傳）聖人南面而聽，天下嚮明而治。

②〔運天樞〕（天官書）

斗爲帝車，運於中央。（春秋運斗樞）斗第一天樞。

③〔黎獻〕（書益稷）萬邦黎獻，共

惟帝臣。（傳）黎獻，黎民之賢者也。

④〔綠圖丹書〕見正緯篇。

⑤〔鑄鼎〕（漢郊祀志）公孫卿曰：「黃帝采首陽山銅鑄鼎於荆山下，鼎既成，有龍垂胡鬚下迎黃帝。」

⑥〔巡岳〕（書舜典）歲二月，東巡守，至於岱宗。五月，南巡守，至於南岳。八月，西巡守，至於西岳。十有一

月，朔巡守，至於北岳。

⑦〔成康封禪〕（封禪書）周德之治，惟成王，成王之封禪，則近之矣。

⑧〔齊桓〕（漢郊祀志）齊桓公既霸，會諸侯於葵邱而欲封禪。管仲曰：「古者封泰山禪

梁父者七十二家，而夷吾所記者十有二焉。皆受命然後得封禪。」管仲略桓公不可窮以辭，因

設之以事云云。桓公乃止。詳下「西鵠東鰈」注。

文心雕龍 卷下

三

〔祀志〕管仲曰：「古之封禪，鄒上黍，北里禾，所以爲盛；江淮間一茅三脊，所以爲藉也；東海致比目之魚，西海致比翼之鳥，然後物有不召而至者，十有五焉。」〔注〕比目魚，其名謂之鰈，比翼鳥，其名謂之鶼。

①〔祕祝〕見祝盟篇。②〔銘岱〕〔秦始皇本紀〕始皇東行，郡縣上鄒

嶧山文石，與魯諸生議刻石頌秦德，議封禪望祭山川之事。遂上泰山，禪梁父，刻所立石。③〔禪號肅然〕〔孝武本紀〕丙辰，禪泰山下趾東北肅然山。④〔巡封梁父〕〔後漢祭祀志〕

〔建武三十二年二月，皇帝東巡狩，至于岱宗，柴。甲午，禪于梁陰。⑤〔相如〕〔司馬相如傳〕

〔武帝曰〕「相如病甚，可往從悉取其書，若不然，後失之矣。」使所忠往，而相如已死。其妻曰：「

長卿未死時，爲一卷書曰：『有使者來求書，奏之。』」其遺札書言封禪事。⑥〔元符〕〔李

善文選注〕元符，天符也。⑦〔介邱〕〔封禪文〕以登介邱。〔注〕介，大也；邱，山也。言登泰

山封禪也。⑧〔勒碑〕〔後漢祭祀志〕建武三十二年二月，上至奉高，遣侍御史與蘭臺令

史將工先上山刻石。⑨〔張純〕〔張純傳〕純奏上宜封禪，曰：「宜及嘉時，遵唐帝之典，繼

孝武之業，以二月東巡狩，封於岱宗，明中興，勸功勳，復祖統，報天神，禪梁父，祀地祇，傳祚子孫，萬

世之基也。」中元元年，帝乃東巡岱宗，以純視御史大夫從，并上元封舊儀及刻石文。⑩〔引

鉤識敍離亂（後漢祭祀志）刻石文曰：「王莽篡叛，宗廟隳壞，社稷喪亡。揚徐青三州首亂，兵革橫行，延及荊州。豪傑并兼，百里屯聚，往往僭號。北夷作寇，千里無煙，無雞鳴犬吠之聲。」按：文內多引河圖赤伏符、會昌符、孝經鉤命決等書。
 ⑤（劇秦）（揚雄劇秦美新序）司馬相如作封禪一篇，以彰漢氏之休。臣敢竭肝膽，寫腹心，作劇秦美新一篇。雖未究萬分之一，亦臣之極思也。
 ⑥（典引）（班固典引序）伏惟相如封禪，靡而不典，揚雄美新，典而亡實。臣不勝區區，竊作典引一篇。（注）典，謂堯典，引猶續也。漢承堯後，故述漢德以續堯典。
 ⑦（兼包神怪）謂篇中元靈符契、黃瑞涌出云云也。
 ⑧（受命）邯鄲淳著魏受命述。
 ⑨（魏德）陳思王集魏德論末曰：固將封泰山，禪梁父，歷名山以祈福，周五方之靈宇，越八九於往素，踵帝王之靈矩，流餘祚於黎蒸，鍾元吉乎聖主。
 ⑩（述聽）（封禪文）述聽者風聲。

章表第二十二

夫設官分職，高卑聯事，天子垂珠以聽，諸侯鳴玉以朝，敷奏以言，明試以功。故堯咨四岳，舜命八元，固辭再讓之請，俞往欽哉之授，並陳辭帝庭，匪假書翰。

然則敷奏以言，則章表之義也；明試以功，卽授爵之典也。至太甲既立，伊尹書誠，思庸歸亳，又作書以讚，文翰獻替，事斯見矣。周監二代，文理彌盛，再拜稽首，對揚休命，承文受冊，敢當丕顯，雖言筆未分，而陳謝可見。降及七國，未變古式，言事於主，皆稱上書。秦初定制，改書曰「奏」。漢定禮儀，則有四品：一曰章，二曰奏，三曰表，四曰議。章以謝恩，奏以按劾，表以陳請，議以執異。章者明也，詩云「爲章于天」，一謂文明也，其在文物，赤白曰章。表者標也，禮有表記，謂德見於儀，其在器式，揆景曰表。章表之目，蓋取諸此也。

按七略，藝文，謠詠必錄，章表奏議，經國之樞機，然闕而不纂者，乃各有故事而在職司也。前漢表謝，遺篇寡存。及後漢察舉，必試章奏。左雄奏議，臺閣爲式；胡廣章奏，天下第一，並當時之傑筆也。觀伯始謁陵之章，足見其典文之美焉。昔晉文受冊，三辭從命，是以漢末讓表，以三爲斷。曹公稱爲表不必三讓，又勿得浮華，所以魏初表章，指事造實，求其靡麗，則未足美矣。至於文舉之薦禰衡，

氣揚采飛，孔明之辭後主，志盡文暢，雖華實異旨，並表之英也。琳瑯章表，有譽當時，孔璋稱健，則其標也。陳思之表，獨冠羣才，觀其體贍而律調，辭清而志顯，應物掣巧，隨變生趣，執轡有餘，故能緩急應節矣。逮晉初筆札，則張華爲儔，其三讓公封，理周辭要，引義比事，必得其偶，世珍鷦鷯，莫顧章表。及羊公之辭，開府有譽於前談，庾公之讓中書，信美於往載，序志顯類，有文雅焉。劉琨勸進，張駿自序，文致耿介，並陳事之美表也。

原夫章表之爲用也，所以對揚王庭，昭明心曲，旣其身文，且亦國華。章以造闕，風矩應明，表以致禁，骨采宜耀。循名課實，以章爲本者也。是以章式炳賁，志在典謨，使要而非略，明而不淺。表體多包，情僞屢遷，必雅義以扇其風，清文以馳其麗。然懇惻者辭爲心使，浮侈者情爲文使，繁約得正，華實相勝，唇吻不滯，則中律矣。子貢云：「一心以制之，言以結之。」蓋一辭意也。荀卿以爲觀人美辭，麗於黼黻文章，亦可以喻於斯乎！

贊曰敷奏絳闕，獻替黼辰。言必貞明，義則弘偉。肅恭節文，條理首尾。君子秉文，辭令有斐。

【註】

①（聯事）（周禮）太宰以八灋治官府，三曰官聯，以會官治。②（垂珠）（玉藻）

天子玉藻，十有二旒。（釋名）祭服曰冕，玄纁下，前後垂珠，有文飾也。③（八元）（左

傳）舜臣堯，舉「八元」，使布五教于四方。④（書誡）（書序）太甲元年，伊尹作伊訓。

⑤（思庸）（書序）太甲放諸桐，三年復歸于亳。思庸伊尹作太甲三篇。⑥（獻替）（左

傳）君所謂可而有否焉，臣獻其否，以成其可。君所謂否而有可焉，臣獻其可，以去其否。⑦（

不顯）（左傳）僖公二十八年，王策命晉侯爲侯伯。晉侯三辭從命，曰：「重耳敢再拜稽首，奉

揚天子之丕顯休命。」受冊以出。⑧（言筆）（曲禮）史載筆，士載言。⑨（章奏表議）

（獨斷）凡羣臣上書於天子者有四名：一曰章，二曰奏，三曰表，四曰駁議。⑩（赤白）（考

工記）畫績之事，亦與白謂之章。⑪（揆景）（晉天文志）鄭衆說：土圭之長尺有五寸，以

夏至之日立八尺之表，其景與土圭等，謂之地中。（桓譚新論）二儀之大，可以章程測也；三綱

之動，可以圭表測也。⑫（七略）見諸子篇。⑬（左雄）（左雄傳）自雄掌納言，多所匡

肅章表奏議，臺閣以爲故事。④〔胡廣〕〔胡廣傳〕舉孝廉，既到京師，試以章奏，安帝以廣爲天下第一。⑤〔文舉〕〔孔融傳〕融字文舉，文選有薦禰衡表。⑥〔孔明〕〔諸葛亮傳〕亮字孔明，後主建興五年，率諸軍北駐漢中，臨發，上疏表見文選。⑦〔琳瑯〕〔陳琳阮瑀〕〔典論〕琳瑯之章表書記，今之雋也。⑧〔孔璋〕〔陳琳字孔璋〕〔魏文帝與吳質書〕孔璋章表殊健。⑨〔陳思之表〕〔陳思王植傳〕太和二年，植常自憤怒，抱利器而無所施，上疏求自試。五年，植上疏求存問親戚。⑩〔張華〕〔張華傳〕初封廣武縣侯，進封壯武郡公。華十餘讓，中詔敦譬，乃受。⑪〔鮑鶴〕〔張華傳〕華初未知名，著鮑鶴賦以自寄。⑫〔辭開府〕〔羊祜傳〕武帝時，加車騎將軍，開府如三司之儀。祜上表固讓，載文選。⑬〔讓中書〕文選有庾亮讓中書監表。⑭〔劉琨〕文選有劉琨勸進表。⑮〔張駿〕〔張駿傳〕駿上疏曰：「臣專命一方，職在斧鉞，勒雄既死，人懷反正，謂季龍李期之命，曾不崇朝，而皆篡繼凶逆，鷗目有年，遂使桃蟲鼓翼，四夷誼譁，臣之所以宵吟荒漠，痛心長路者也。」⑯〔絳闕〕〔孫楚傳〕楚作書遺孫皓曰：「竊號之雄，稽顙絳闕，球琳重錦，充於府庫。」⑰〔黼展〕見詔策篇。

奏啓第二十三

昔唐虞之臣，敷奏以言；秦漢之輔，上書稱奏。陳政事，獻典儀，上急變，劾愆謬，總謂之奏。奏者進也，言敷於下，情進於上也。秦始立奏，而法家少文。觀王綰之奏勳德，辭質而義近；李斯之奏驪山，事略而意逕。政無膏潤，形於篇章矣。自漢以來，奏事或稱「上疏」，一儒雅繼踵，殊采可觀。若夫賈誼之務農，鼂錯之兵事，匡衡之定郊，王吉之觀禮，溫舒之緩獄，谷永之諫仙，理既切至，辭亦通暢，可謂識大體矣。後漢羣賢，嘉言罔伏。楊秉耿介於災異，陳蕃憤懣於尺一，骨鯁得焉；張衡指摘於史職，蔡邕銓列於朝儀，博雅明焉。魏代名臣，文理迭興。若高堂天文，王觀教學，王朗節省，甄毅考課，亦盡節而知治矣。晉氏多難，災屯流移。劉頌殷勤於時務，溫嶠懇惻於費役，並體國之忠規矣。夫奏之爲筆，固以明允篤誠爲本，辨析疏通爲首，強志足以成務，博見足以窮理，酌古御今，治繁總要，此其

體也。

若乃按劾之奏，所以明憲清國。昔周之太僕，繩愆糾繆；秦之御史，職主文法。漢置中丞，總司按劾。故位在鷙擊，砥礪其氣，必使筆端振風，簡上凝霜者也。觀孔光之奏董賢，則實其奸回；路粹之奏孔融，則誣其覺惡。名儒之與險士，固殊心焉。若夫傳威勁直而按辭堅深，劉隗切正而劾文闊略，各其志也。後之彈事，迭相斟酌，惟新日用，而舊準弗差。然函人欲全，矢人欲傷，術在糾惡，勢必深峭。詩刺讒人，一投畀豺虎；一禮疾無禮，方之鸚猩；墨翟非儒，目以豕彘；孟軻譏墨，比諸禽獸。詩禮儒墨，既其如茲，奏劾嚴文，孰云能免！是以世人爲文，競於詆訶，吹毛取瑕，次骨爲戾。復似善罵，多失折衷。若能闢禮門以懸規，標義路以植矩，然後踰垣者折肱，捷徑者滅趾，何必躁言醜句，詬病爲切哉！是以立範運衡，宜明體要，必使理有典刑，辭有風軌。總法家之式，秉儒家之文，不畏彊禦，氣流墨中，無縱詭隨，聲動簡外，乃稱絕席之雄，直方之舉耳。

啓者開也。高宗云：「啓乃心，沃朕心。」取其義也。孝景諱啓，故兩漢無稱。至魏國箋記，始云啓聞奏事之末，或云「謹啓」。自晉來盛啓，用兼表奏。陳政言事，既奏之異條，讓爵謝恩，亦表之別幹。必斂飭入規，促其音節，辨要輕清，文而不侈，亦啓之大略也。又表奏确切，號爲讜言。讜者偏也。王道有偏，乖乎蕩蕩，（有下字脫）其偏，故曰讜言也。孝成稱班伯之讜言，貴直也。自漢置八儀，密奏陰陽，皐封板，故曰「封事」。皐錯受書，還上便宜，後代便宜，多附封事，慎機密也。夫王臣匪躬，必吐謗諤，事舉人存，故無待泛說也。

贊曰：皐飭司直，肅清風禁。筆銳干將，墨含淳醑。雖有次骨，無或膚浸。獻政陳宜，事必勝任。

【註】

○（急變）

（漢平帝紀）

乙未，

議陵寢神衣在柙中。

丙申旦，衣在外牀上。

寢令以急變

聞。

（注）非常之事，故云急變。

○（王綰）

（秦始皇本紀）

秦初并天下，議帝號。丞相王綰

等議曰：「陛下平定天下，海內爲郡縣，法令由一統，五帝所不及。古有天皇，有地皇，有秦皇，秦皇

最貴。臣等昧死上尊號，王爲『泰皇』。③（李斯）（蔡質漢儀）李斯治驪山陵，上書曰：「臣所將隸徒七十餘萬人，治驪山者已深已極，鑿之不入，燒之不難，叩之空空如下天狀。」④（務農）（漢食貨志）文帝卽位，躬修儉節，思安百姓。時民近戰國，賈誼說上曰：「積貯者，天下之大命也。今毆民而歸之農，使天下各食其力，末技游食之民，轉而緣南晦，則蓄積足而人樂其所矣。」⑤（兵事）（鼂錯傳）匈奴彊，數寇邊。上發兵以禦之，錯上言兵事。⑥（定郊）（漢郊祀志）成帝初卽位，丞相匡衡等奏言：「帝王之事，莫大乎承天之序；承天之序，莫重於郊祀。宜於長安南北郊爲萬世基。」天子從之。⑦（王吉）（王吉傳）吉疏曰：「安上治民，莫善於禮。願陛下與公卿大臣延及儒生，述舊禮，明王制，毆一世之民躋之仁壽之域。」⑧（溫舒）（路溫舒傳）宣帝初卽位，溫舒上書言「宜尙德緩刑。」⑨（谷永）（漢郊祀志）成帝末年，頗好鬼神，亦以無繼嗣，欲多上書言祭祀方術者，皆得待詔，祠祭上林苑中。谷永說上曰：「臣聞明於天地之性，不可惑以神怪。盛稱奇怪鬼神，及言世有仙人，皆挾左道，懷詐僞，以欺罔世主。」⑩（楊秉）（楊秉傳）帝時微行，幸河南尹梁胤府舍。是日大風，拔樹晝昏，秉因諫曰：「王者至尊，出入有常，況以先王法服而私出槃游，設有非常之變，上負先帝，下悔

靡及。」^①〔陳蕃〕〔陳蕃傳〕時封賞臚制。蕃上疏諫曰：「陛下宜探求得失，擇從忠善。尺一選舉，委尚書三公，使褒責誅賞，各有所歸。」^②〔張衡指摘〕〔張衡傳〕衡收檢遺文，畢力補綴，條上司馬遷班固所敍與典籍不合者十餘事。又以爲王莽本傳但應載篡事而已；至於編年月，紀災祥，宜爲元后本紀。又宜以更始之號建於光武之初。^③〔朝儀〕〔蔡邕獨斷〕正月朝賀，三公奉璧上殿，向御座北面。太常贊曰：「皇帝爲君，興三公伏。」皇帝坐，乃進璧。舊儀三公以下月朝，後省。常以六月朔，十月朔旦朝。後又以盛暑，省六月朝。故今獨以爲正月十月朔朝也。冬至陽氣起，君道長，故賀。夏至陰氣起，君道衰，故不賀。^④〔天文〕〔高堂隆傳〕青龍中，大治殿舍，有星孛於大辰。隆上疏曰：「今之宮室，實違禮度，乃更建立九龍，華飾過前。天曄章灼，始起於房心，犯帝座而干紫微。此乃皇天子愛陛下，是以發教戒之象，欲必覺寤。陛下不宜有忽，以重天怒。」^⑤〔王觀〕〔魏志〕觀字偉臺。^⑥〔節省〕〔魏王朗有節省奏〕^⑦〔劉頌〕〔劉頌傳〕除淮南相。頌在郡上疏，言封國之制宜如古典，及六州將士之役，凡數千言。詔褒美之。^⑧〔溫嶠〕〔溫嶠傳〕太子起西池樓觀，頗爲勞費。嶠上疏以爲朝廷草創，巨寇未滅，宜應儉以率下。太子納焉。^⑨〔繩愆糾繆〕〔書序〕〔穆王命伯冏爲周太僕正，作冏命。曰：

「惟余一人無良，實賴左右前後有位之士匡其不及；繩愆糾繆，格其非心，俾克紹先烈。今予命汝作大正，正于羣僕侍御之臣，懋乃后德，交修不逮。」^(一)（御史中丞）（漢百官公卿表）
御史大夫秦官，一曰中丞。在殿中蘭臺掌圖籍祕書，外督部刺史，內領侍御史員十五人，受公卿奏事，舉劾按章。^(二)（奏董賢）（董賢傳）賢自殺。王莽復風孔光奏「賢質性巧佞，翼奸以獲封侯，治第造冢，不異王制。死後以砂畫棺，至尊無以加。臣請收沒，入財物縣官。」^(三)（奏孔融）（孔融傳）曹操令路粹枉奏「融昔在北海，見王室不靜，欲規不軌。云我大聖之後，有天下者何必卯金刀！」^(四)（傳咸）（傳咸傳）咸字長虞，剛簡有大節。顧榮與親故書曰：「傅長虞爲司隸，勁直忠果，劾按驚人，雖非周才，偏亮可貴也。」^(五)（劉隗）（劉隗傳）隗遷丞相司直，彈奏不畏強禦。^(六)（彈事）六朝御史中丞劾奏曰彈事。文選有沈休文任彥昇彈事。（王淮之傳）宋臺諫除御史中丞，爲百僚所憚。自彪之至淮之，四世居此職。淮之嘗作五言詩。范泰嘲之：「卿惟解彈事耳。」^(七)（鸚鵡）（曲禮）鸚鵡能言，不離飛鳥；猩猩能言，不離禽獸。今人而無禮，雖能言，不亦禽獸之心乎！^(八)（墨翟非儒）（墨子非儒篇）貪于飲食，惰于作務，陷于饑寒，無以違之。是苦人氣觀鼠藏而羝羊視責，起。君子笑之。^(九)（次骨）（杜周